



Plata dla Ploania Rina




Ploan: siur Klaus Sottas: 3441554055

Curat: siur Paul Campej: 3807345533

Mone: Carlo Ferdigg: 3392612471

www.unitepastorala.org

2022 Ann C		12.06.2022 – 19.06.2022		n.29
De		Ora	Messa	
SS. TRINITÉ	12.06	8.30	Gran Messa solena por la comunité † sr. Maria Gabriella Winkler; †† Monica y Paul Promberger; †† Iule y Heinrich Castlunger; † Teresa Mellauner; † Alfons Castlunger; Corona	
 DOMENIA DLES FAMILIES <i>oferta por la dlijia</i>				
LÖNESC	13.06			
<i>Sant Antone da Padua</i>				
MERTESC	14.06		s. Messa † Angel Pedevilla; †† fam. Rosa Castlunger	
MERCUI	15.06			
JÖBIA	16.06	09.00	s. Messa de rengraziamant por l'ann de scora †† Iule y Heinrich Castlunger; ad intenziun	
VENPRES	17.06			
SABEDA	18.06	19.15	s. Messa prefestia †† Monica y Paul Promberger; †† Konrad y Amalia Ferdigg; † Angelina Ferdigg	
FESTA DLES ANTLES <i>(Eucarestia)</i>	19.06	8.00!!	Prozesciun eucaristica y Messa solena a onur dl'Eucarestia por la comunité; fam. Roland Vigg (rengraz.); †† Milia y Davide Promberger; †† Fonjo y Iule Huber, † Alfons Castlunger; †† de Poldele	
<i>oferta por l'orghelist</i>				

Notizies y info por la plata: plata.ploaniarina@gmail.com de jö entro n jöbia da misde

INFORMAZIUNS PLOANIA

LETURS: SABEDA LES ANTLES	18.06. 19.06.	Pallestrong Felix Castlunger Paolina
MINISTRONC: EDEMA LES ANTLES	13-18.06. 19.06.	Annika, Anna Petra, Emy, Laura, Marie, Alex, Tobias

Fora dla sontada dl Consëi de Cöra, stada ai 07.06.22:

- **Festa a Siur Paul:** I ti fajun festa a siur Paul por so iubileo di 50 agn da prou en la findledema 25 y 26 de jügn. I enviun döta la comunité a s'arjigné ca cun l'ílluminaziun dles ciases en la sabeda sëra, tolon ince pert ala funziun liturgica y ala prozesciun cun les ciandëres/ linternes (dlijia- ota de Hones). Le program plü monü dla festa gnará publiché l'edema denant.
- **Festes altonn:** Ince eniann tignunse endô la festa di iubilars de noza, la prozesciun dles ciandëres ala capela da Runch y la festa dla racoüda. Les dates gnará comunicades d'isté fora.
- **Regolamont prozesciuns:** Adöm an grup de laur, él gnü lauré fora n regolamont, che dess valëi por dötes les prozesciuns tl dagní. La pröma pert vën publicada sön cösta plata, por savëi l'ordinn dles proscimes döes gran prozesciuns. Le regolamont deplën gnará spo ciarié söla homepage dla Unité Pastoral/Rina y ince motü jö a pe de dlijia.
- **Aiüt pratic tl cajo de mort:** Proscimamonter gnarál partí fora dai mëmbri dl Consëi de Cöra n promemoria, por daidé tl cajo de mort + ince n te pice liber por dí les corones por defunc. I rengraziun düc chi che á contribuí a cösta realisaziun.
- **Crejima:** Le tru nü dla Crejima, che gnará endô tignida te nosta Unité Pastoral d'aisciöda 2025, piará ia cun la preparaziun da d'altonn 2023- altonn 2024. Al gnará laoré fora ciamó döt plü avisa da n grup de laur.
- **Laur pro la dlijia:**
I laurs é tan co slüc jö y ara vá dassënn debojügn da la puzené: präibel, sce düc/dötes chi/chères che sciafia, ince ma por n per d'ores, gness a daidé- vigne man cunta! I s'abinun en dededolönesc/dedemesaledema dales 8:00 ennant: plü ch'í sun y plü saurí ch'í fajun!

Preparaziun ai Sacramonc:

Tres l'Unité Pastoral Val Badia vëgnel pité en cösc altonn na formaziun sceria por le sorvisc de preparaziun ai Sacramonc (Bato, Pröma Comuniun, Crejima). Por enformaziuns y iscriziuns al curs telefonede a Annamaria Fiung (347 5277810) cina ala fin de jügn.

Diozeja:

Ai 15 d'otober pëia endô ia a Porsenú n curs por conduturs dla Liturgia dla Parora. Deplü enformaziuns ciafëise sot a www.bz-bx.net/de/glauben-und-liturgie/liturgie/wort-gottes-feiern.


Regolamont y ordin por les prozesciuns

Al è gnü fat fora che, desche laota, vëgn dötes les statues portades tla direziun dla prozesciun (ciara danfora); dales staziuns (vangeli) se oj döta la jont cuntra le prou o alté y danló vën ince les statues otes, desche la jont, cuntra alté.

Tl dagní gnará dötes les prozesciuns preodödes tl ann de dlijia, tignides dala plaza de dlijia fina sö te plaza dl Bar Rosa y endô zoruch por la strada prinzipala.

Prozesciuns con le Santiscimo Sacramont (Antlêš y Cör de Gejú)

1. Pice Confarun
2. Crist (vëgn ot cuntra la jont!)
3. Scolars
4. Bandira di Jogn - danfora a düc i jogn
5. Confarun vërt di Jogn - jogn
6. Statua dl Angele Custode - jogn
7. Bandira dles Jones - danfora ales jones
8. Statua de S. Maria Imacolada - jones
9. Confarun di Omi - danfora ai ëi
10. Statua dl Cör de Gejú - ëi
11. Bandira dla Musiga y Musiga
12. Cor de dlijia
13. Statua dl Pice Bambin – mituns dla Pröma Comuniun
14. Ministronc
15. Les dös linternes
16. Le Cil con le SS. Sacramont y prou - 4 omi
17. Confarun dles Ëres - danfora ales fomenes
18. Statua de S. Anna – fomenes/ ëres



INFORMAZIUNS DESVALIES

Biblioteca "Angelo Trebo" Al Plan: Al vën lascé alessëi che la biblioteca sará slüta dai 20.06 ai 03.07.2022

Portina por l'assistënza y cura te Raiun Soziosanitar a Picolin: Orar nü dai 20 de jügn 2022 inant le lönesc dales 14.00 ales 16.00 y la jöbia dales 10.00 ales 12.00 sön prenotaziun da fá al nr. 0474 586123. I familiars che fej le guern pó ciafé chiló vigni sort de informaziuns, consulënza y aiüt – domandes por le contribut de guern (Pflegegeld), por la ciasa de palsa, por le sorvisc infermieristich, por le sorvisc de assistënza a ciasa, sura l'invalidité zivila, sura le imprest por scagns da rodes y let yii.

L'Uniun di Seniores da San Martin y da Antermëia inviëia a na incuntada cun le neurologh Gregorio Rungger sura: Demënza – sintoms, diagnosa, terapies y prevenziun en jöbia ai 16 de jügn 2022 dales 17.00 tl salf di stödafüch a San Martin de Tor. Düc è dër bel inviá a tó pert.

Ciasa de Palsa: Regolamënt por gní a ciafé i ghesc, varënt **dai 13.06.2022 inant.** Al é indô la poscibilité da gní a ciafé i berbesc y les mëdes, **sënza prenotaziun**, mo respetan chësc regolamënt:

Azes ala Ciasa de Palsa ma cun „**pass vërt**“ **renforzé:**

- a) stlüt jö le ziclus primar de variaora + booster
- b) stlüt jö le ziclus primar de variaora + test negativ
- c) varijun + test negativ

Chësc vëgn controlé vigni iade al'entrada da n automat che relascia n zetl cun inom, data y orar. Chësc vëgn damané do tla strotöra da pert dl personal.

Al intern dla strotöra val debojëgn d'en mascherot, almanco chirurgich.

Al é indô la poscibilité da jí te repart olache **al vëgn perié da sté, tan inant ch'ara vá, te ciamena** y adoré le manco poscibl i gran salamënc.

Al vëgn aconsié da jí le plü ch'ara vá alaleria!!

Prëibel tigní ite i orars de palsa di ghësc (11:30 – 14:00)

Al vëgn recordé che la Ciasa de Palsa é na strotöra che á da n'en fá cun jënt sensibla. I periun porchël da se tigní avisa ales regoles.

La Ciasa de Palsa, les mëdes y i berbesc se conforta sön Osta vijita!